



# Synfocity = 641

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

29<sup>th</sup> June, 2017

## Health Sunday & Hospital Sunday

July 2, 2017 (Pathianni) hi Health Sunday & Hospital Sunday (Damdawi In Pathianni) a ni a. Mizoram Presbyterian Kohhran chuan Hospital Sunday hi kum 1928 atang khan a hmang tan a, kum 1981 atang khan July Pathianni hmasa ber hi ni bik atan hman a ni ta a ni.

Kum 1985 Synod Inkhawmpui thu angin 1988 atang khan January Pathianni hnunung berah Phâr Pathianni (Leprosy Sunday) hman thin a ni a (Gen. 27). Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlâk ta a (Gen. 3), kum 2006 atang khân Health Sunday hi hman tan a ni.

Kum 2008 Synod-in Health Sunday leh Hospital Sunday hi Pathianni wavi khatah a ruala hman ni se, tia a rel (Gen. 67) angin kum 2010 atang khan Health Sunday leh Hospital Sunday hi a rualin ni khatah hman tan a ni ta a ni.

Kumin 2017 hian Health Sunday pualin chawhnu hun hman a ni ang a. Zan hun chu Hospital Sunday puala hman a ni thung ang a, thilpek lak khawm a ni ang. Thilpek chu Synod Hospital pual a ni ang a, Bial Treasurer kaltlangin Synod Office-ah theh luh tur a ni.

Kumin Health Sunday & Hospital Sunday atan hetiang hian programme duan a ni:

### Chawhnu Inkhâwm

#### Health Sunday Pual

Thupui : Kala lungte awm (Kydney Stone)

### Zan Inkhawm

#### Hospital Sunday Pual

Thupui : Damna famkim Isua

Chhiar tûr : Mt 9:35; Mk 1:29-34

## Women Centre-a puanthui zir Second Batch thlahna hun hmang

June 27, 2017 (Thawhlehi) chawhnu dar 1:00 khan Women Centre, Phunchawng-a puan thui zir Second Batch te thlahna hun hman a ni a.

Thlahna inkhawm hi Central Kohhran Hmeichhe Chairman Pi K. Lalliantluangin a kaihrui a, Central Kohhran Hmeichhe Secretary Pi H. Lalpianthangi hnen atangin thupuan ngaihthlak a ni. Zirlaiten Pathian fakna hla an sa a, Worship Dance an entir baw. Ni. R. Lalrinpuii, Centre Superintendent hnen atangin report tawi ngaihthlak leh a ni a, a duh apiang tan thusawina hun hawn a ni baw. Kohhran Hmeichhe changtu Executive Secretary Rev. P.C. Pachhunga hnen atangin fuihna thuchah ngaihthlak a ni a, zirlai chhuak turte hnenah Certificate a hlan baw.

Women Centre-ah hian August 4, 2016 atang khan puan thui (thla ruk course) chu neih tan a ni a. First batch-ah mi 37 in an zir chhuak a, Second batch-ah mi 33 in tha takin an zo leh a, July 4, 2017 hian Third Batch tur mi 40 te an lut ve leh ang. Kumin atang hian Puantah zirna hawn thar a ni baw a, Puantah zir tur Batch hmasa ber mi 10 lak thar te pawhin July 4 hian class an tan ve nghal baw ang.

Mizoram Presbyterian Kohhran Hmeichhe din champha kum 100 tinna (1904-2004) Centenary Project atan Women Centre din hi kum 2001 Synod Inkhawmpui-in a phalsak a ni a, August 12, 2015 khan hawn a ni. He Centre hi thlarau lama intuaitharna (retreat) neihna leh a huhova Pathian pawlna hmun atan te, mi harsate chhawm chhuah nan leh an dinhmun siamna atana thiam thil zirna leh an thlarau nun kaihruiaina hmun tur atan ruahman a ni.

## Synod Bookroom

♦ June 25, 2017 khan Sihphir Venglai Kohhranah Literature Campaign an nei a, campaign hunah hian Pu Lalniliana, Manager, Bookroom hnen atangin thuchah ngaihthlak a ni a, Ni. Lalawmpuii Mission Vengthlang hnen atangin fakna hla ngaihthlak a ni baw.

♦ July 3 - 8 chung hian Mizoram Synod hnuai a Synod Bookroom zawng zawngah Reduction Sale buatsaih leh a ni dawn a, hemi hunah hian item zawng zawngah discount tha tak pek vek a ni ang.

## Education

June 28 & 29, 2017 chung hian Presbyterian English School, Saitualah Teacher Training neih a ni a, hemi hunah hian Rev. B. Sangthanga, Executive Secretary, Pu Lalvena Hnamte, Secretary, Synod Education Board leh Principal, Synod Higher Secondary School, Pu P.C Vanlalhrui, Supervisor of School, , Upa Dr. H. Lalthanzara leh Upa Zochungnunga, BEC member te an kal.

## Synod Literature & Publication Board (SL&PB)

July 1, 2017 hian Chanmari Pastor Bial bultumin Laipuitlang Kohhranah Literature Seminar neih a ni dawn a, hemi hunah hian Rev. Dr. C. Chawngmingliana, Editor, SL&PB leh Upa H. Ronghaka, Additional Editor te an kal ang.

## Kristian Thalai Pawl

♦ July 3, 2017 (Thawhtanni) zan hian Bawngkawn Chhimveng Branch ten YRC Night an buatsaih dawn a, Central KTP YRC Committee ten an hmanpui ang.

♦ KTP General Conference 2018 Hla Bu tur buatsaih a lo hun ta a. Hla Bu-a chuang tur hla thawh duh tan July 17, 2017 thlang Central KTP Office-ah theh luh theih a ni. Hla hi harmonise sa tur a ni a, a phuahtu hming, address leh contact number bakah a chanchin tawi leh phuah chhan a awm chuan tarlan tur a ni ang. Hla thehluhte hi Hla Bu Sub Committee-in an thlang fel ang a, Central KTP Committee-in a lo thliir nawn leh dawn a ni. General Conference Hla Bu cover design hi a duh apiang tan theh luh theih a ni baw a, theh luh zinga a tha ber Central KTP Committee-in a thlang ang a, Gen. Conference 2018 Hla Bu cover atan hman a ni a. Cover design chu hard copy leh soft copy Central KTP Office-ah August, 2018 chungin theh luh theih a ni ang.

## Worship Deptt.

June 29 & 30, 2017 chung hian Kawlbem Kohhranah Worship Seminar neih a ni a, hemi hunah hian Rev. H. Lalchhanhima leh Rev. Thangzauva, BEC Member te an kal.

## Zin

♦ June 24 - July 9, 2017 chung hian WCRC General Council, Germany-a neih mekah Pi H. Lalfakmawii, Coordinator, Service Board leh Lalremsiami Chhange, Synod Choir Member te an kal.

♦ June 26 - 30, 2017 chung hian Zou Synod Upa Seminar Churachandpur - ah neih a ni a, hemi hunah Rev. Lalramliana Pachuau, Senior Executive Secretary leh Rev. H. Remthanga, Finance Officer te an kal.

- Campus Ministry**  
 June 27, 2017 (Thawhlejni) khan Govt. Hrangchhuana High School, Ramhlun-ah hun an hmang a. He hunah hian Director Rev. Lalchungnunga'n hun hmangin 'Career Guidance chungchang te, Manner & Etiquette chungchang leh zu leh ruihhlo hrang hrang laka fihlim dan tur chungchang' te a sawi a ni.
- MSSU**  
 July 1, 2017 hian Thingsulthliah Bialin bial huapin Seling Kohhranah Sunday School Zirtirtu Training a buatsaih dawn a, hemi hunah hian Rev. Zoramsanga, Synod Office, Upa Lalrosanga Kawlni, O/A leh Upa Hrilthansanga, Mission Vengthlang, MSSU Trainer te an kal ang a, zanah bial chung kohhran pathumah thuchah an sawi nghal ang.
- Synod-in chhawmdawlna pe**  
 Tun hnaia harsatna hrang hrang neite hnenah Synod Relief Fund atangin chhawmdawlna hetiang hian pek an ni.

S.No	Khua	Pek chhan	Chhungkaw zat	Chhawmdawlna pek zat
1.	Zemabawk 'E'	Leimin tuar	9	Rs. 36,000/-
2.	Tuikual	Leimin tuar	2	Rs. 10,000/-
3.	Falkland	Leimin tuar	1	Rs. 6,000/-
4.	Bawngkawn East	Leimintuar	3	Rs. 22,000/-
5.	Mualkhang	Tui lian tuar	1	Rs. 8,000/-
6.	Jubili, MSVT	Damlo	1	Rs. 5,000/-
7.	Republic Veng	Damlo	1	Rs. 5,000/-
			<b>TOTAL</b>	<b>Rs. 92,000/-</b>
- Hruaina Eng FM Radio & TV Programme**  
 ♦ **JUNE 30, 2017 (FM ZOAWI AIZAWL @ 7:30 P.M.):**  
**Solo :** Amtea - Ka hming a hria, **Zaipawl :** Mizoram Synod Choir - Isu Ka hmangaih che, **Thusawi :** Pu John Lalhruaitluanga - Sunde Sikul thiltum, **Zaipawl :** TBZ Choir - Khawvel hrut chhuak ila, **Solo :** Zoramchhani-Chatuanin  
 ♦ **JUNE 30, 2017 (FM LUNGLEI @ 7:30 P.M.):**  
**Solo :** Amtea - Ka hming a hria, **Zaipawl :** Mizoram Synod Choir - Isu Ka hmangaih che, **Thusawi :** Pu John Lalhruaitluanga - Sunde Sikul thiltum, **Zaipawl :** TBZ Choir - Khawvel hrut chhuak ila, **Solo :** Zoramchhani-Chatuanin
- Susamachar Prasaran Programme**  
 ♦ **JULY 2, 2017 (Pathianni) 5:00 pm. :**  
**Group/Choir/Solo :** Aizawl South West - Prabo Tumor, **Group/Choir/Solo :** Bungkawn Masihi Sangati - Pyar ka sangar, **Sermon :** Rev. P.C. Rohlira, **Group/Choir/Solo :** Hmingtea Tochwawng - A nugra ha kari, **Group/Choir/Solo :** PC Lianhmingthanga (Valpuia) - Ye Dharti
- JULY 2, 2017 (Tv Programme) @ 4:00 - 6:00, 8:00 - 9:00 p.m) :**  
**Weekly Round Up, Hindi Bible School Graduation Day cum Farewell 2017, Health Sunday & Hospital Sunday Pual**
- Moderator Programme**  
 July 2, 2017 Pathianni Chawhnu & Zan Durtlang Kohhran Hospital Awareness Campaign

**HRIATTIRNA**

Kohhran inchhiarna Statistic Form thar siam a ni a, Synod Office-ah ngaihven theih a ni e.

**Sd/-**  
 Superintendent  
 Synod Office

**ADVERTISEMENT**

PARAMEDICAL COURSE SPONSORSHIP DUH TAN "CMC, Ludhiana-ah kum 2017 Session atan Paramedical Course hrang hrang (Eligibility 10+2 Medical) tan 2 Year's Diploma Course leh 3 Year's B.Sc. Course hrang hrang Synod Sponsor-in a zir theih dawn a, CMC website : [www.cmcludhiana.in-ah](http://www.cmcludhiana.in-ah) Prospectus leh Application form July 5, 2017 atangin a en theih ang. Synod Sponsor dil duh tan dilna plain paper-a ziakin Kohhran lehkha thil tel tur a ni a, Sponsor dilna hi August 5, 2017 thleng General Office, Synod Hospital, Durtlang-ah thehluh theih a ni.

**Sd/-**  
 Director  
 Synod Hospital, Durtlang

**REVIVAL DEPT. HRIATTIRNA**

July 4 - 8, 2017 chung hian Synod Revival Camping Center, Neihbawihah a duh apiang tan Camping buatsaih leh a ni dawn a. Speaker tur chu Pu C. Lalenga, Hunter for Christ a ni ang. Camping Fee 100/- mi pakhat tan a ni a, Mutbu bakah Bible, Hlabu, Pen, Note Bu ken tur a ni. Camp neihna hmun Neihbawihah Chhun dar 11 atanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. He camp-ah hian mawhpur turin Tuikual Bial ruat an ni.

**Sd/-**  
 Director  
 Synod Revival Dept